

Tillaga að

REGLUGERÐ FRAMKVÆMDASTJÓRNARINNAR (EB) Nr .../...

frá [...]

um breytingar á reglugerð Framkvæmdastjórnarinnar (EB) nr. 2042/2003 um samfellt lofthæfi loftfara og annarra framleiðsluvara, hluta og búnaðar til flugs og um samþykki fyrir fyrirtækjum og starfsfólki á því sviði

(Texti sem viðkemur EES)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af Stofnsáttmála Evrópubandalagsins,

með hliðsjón af reglugerð Evrópuþingsins og Ráðsins (EB) nr 1592/2002 frá 15. júlí 2002 um sameiginlegar reglur um almennt flug og stofnun Flugöryggisstofnunar Evrópu⁽¹⁾ (sem hér á eftir nefnist "Grunnreglugerðin"), einkum þó 5. og 6. gr. reglugerðarinnar, og

með hliðsjón af reglugerð Framkvæmdastjórnarinnar (EB) nr. 2042/2003 um samfellt lofthæfi loftfara og annarra framleiðsluvara, hluta og búnaðar til flugs og um samþykki fyrir fyrirtækjum og starfsfólki á því sviði⁽²⁾,

að teknu tilliti til eftirtalinna atriða:

- (1) Með reglugerð Framkvæmdastjórnarinnar (EB) Nr. 2042/2003 er komið á reglunni um höfuðstöðvar, að teknu tilliti til M.1 í Viðauka I, 145.1 í Viðauka II og 147.1 í Viðauka IV.
- (2) Bæði landsyfirvöld flugmála og rekstraraðilar hafa farið fram á að skilgreint verði hugtakið höfuðstöðvar til að afstýra misskilningi sem kann að koma upp ef stjórnvaldið er ekki vandlega skilgreint.
- (3) Ráðstafanir þær sem kveðið er á um í þessari reglugerð byggjast á álitum Flugöryggisstofnunarinnar³ í samræmi við greinar 12(2)(b) og 14(1) í Grunnreglugerðinni.
- (4) Ráðstafanir þær sem kveðið er á um í þessari reglugerð eru í samræmi við álit⁴ Nefndar Flugöryggisstofnunar Evrópu sem stofnuð var samkvæmt 54(3) grein Grunnreglugerðarinnar.

¹ Reglugerð (EB) Evrópuþingsins og Ráðsins Nr. 1592/2002 frá 15. júlí 2002 um sameiginlegar reglur á sviði almenns flugs og um stofnun Flugöryggisstofnunar Evrópu. (OJ L 240, 7.9.2002, bls.1)

² Reglugerð Framkvæmdastjórnarinnar (EB) Nr. 2042/2003 frá 20. nóvember 2003 um samfellt lofthæfi loftfara og annarra framleiðsluvara, hluta og búnaðar til flugs og um samþykki fyrir fyrirtækjum og starfsfólki á því sviði (OJ L 315, 28.11.2003, bls. 1). Reglugerðin eins og hún er eftir að henni var breytt með reglugerð Framkvæmdastjórnarinnar (EB) Nr. 707/2006 frá 8. maí 2006 (OJ L 122, 9.5.2006, bls. 17)

³ Álitsgerð 5/2005, sjá: http://www.easa.eu.int/home/opinions_en.html

⁴ [birtist síðar]

- (5) Reglugerð Framkvæmdastjórnarinnar (EB) Nr. 2042/2003 ætti því að breyta samkvæmt því,

SAMÞYKKT REGLUGERÐ ÞESSA:

1. grein

Eftirfarandi ákvæði koma í stað M.1 í Viðauka I við reglugerð Framkvæmdastjórnarinnar (EB) Nr. 2042/2003:

M.1

- (a) Hvað varðar markmið þessa Hluta, skal lögbært stjórnvald vera:
1. fyrir eftirlit með samfelldu flughæfi einstakra loftfara og fyrir útgáfu endurskoðunar-lofthæfisevottorða: þau stjórnvöld sem aðildarríkið hefur tilnefnt.
 2. fyrir eftirlit með viðhaldsfyrirtæki eins og tilgreint er í M.A. kafla F:
 - (i) stjórnvaldið sem tilnefnt er af aðildarríkinu þar sem fyrirtækið er með höfuðstöðvar sínar.
 - (ii) Flugöryggisstofnunin, ef fyrirtækið er í þriðja landi.
 3. fyrir eftirlit með fyrirtæki sem annast vottun fyrir samfellt lofthæfi eins og tilgreint er í M.A. kafla G:
 - (i) stjórnvaldið sem tilnefnt er af aðildarríkinu þar sem það fyrirtæki hefur höfuðstöðvar sínar.
ef vottunarinnar er ekki getið í skírteini flugfélags:
 - (ii) stjórnvaldið sem tilnefnt er af aðildarríki flugfélagsins ef samþykkið er tiltekið í skírteini flugfélags,
 - (iii) Flugöryggisstofnunin ef fyrirtækið er í þriðja landi:
 4. fyrir vottun viðhaldsprógramma,
 - (i) stjórnvaldið sem tilnefnt er af aðildarríkinu þar sem skráningin fer fram.
 - (ii) Þegar um er að ræða loftflutninga í atvinnuskyni, og aðildarríki flugfélagsins er annað en skráningarlandið: stjórnvaldið sem samþykkt er að ofangreindum tveimur ríkjum áður en vottun viðhaldsprógrammsins fer fram.

- (b). Í sambandi við markmið þessa Hluta og í tengslum við fyrirtæki sem Viðauki I í honum nær til, er með höfuðstöðvum átt við þá starfsstöð fyrirtækisins þaðan sem meirihluti stjórnenda fyrirtækisins, sem um er fjallað í M.A.606 og M.A.706, stjórnar tæknilegum umsvifum fyrirtækisins, hefur eftirlit þeim með eða samhæfir þau, og tryggir þar með að fyrirtækið fari eftir þeim kröfum sem settar eru fram í Hluta-M.

2. Grein

Eftirfarandi ákvæði koma í stað málsgreinar 145.1 í Viðauka II við reglugerð Framkvæmdastjórnarinnar (EB) Nr. 2042/2003:

145.1 Almenn

- (a) Hvað varðar markmið þessa Hluta, skal lögbært stjórnvald vera:
1. fyrir fyrirtæki sem hafa höfuðstöðvar í aðildarríki: stjórnvaldið sem tilnefnt er af því aðildarríki, eða;
 2. fyrir fyrirtæki sem hafa höfuðstöðvar í þriðja landi: Flugöryggisstofnunin.
- (b). Í sambandi við markmið þessa Hluta og í tengslum við fyrirtæki sem Viðauki II í honum nær til, er með höfuðstöðvum átt við þá starfsstöð fyrirtækisins þaðan sem meirihluti stjórnenda fyrirtækisins, sem um er fjallað í 145.A.30(a)(b), stjórnar tæknilegum

umsvifum fyrirtækisins, hefur eftirlit með þeim eða samhæfir þau, og tryggir þar með að fyrirtækið fari eftir þeim kröfum sem settar eru fram í Hluta-145.

Article 3

Eftirfarandi ákvæði koma í stað málsgreinar 147.1 í Viðauka IV við reglugerð Framkvæmdastjórnarinnar (EB) Nr. 2042/2003:

147.1

- (a) Hvað varðar markmið þessa Hluta, skal lögbært stjórnvald vera:
1. fyrir fyrirtæki sem hafa höfuðstöðvar á svæði aðildarríkis: stjórnvaldið sem tilnefnt er af því aðildarríki;
 2. fyrir fyrirtæki sem hafa höfuðstöðvar í þriðja landi: Flugöryggisstofnunin.
- (b) Í sambandi við markmið þessa Hluta og í tengslum við fyrirtæki sem Viðauki IV í honum nær til, er með höfuðstöðvum átt við þá starfsstöð fyrirtækisins þaðan sem meirihluti stjórnenda fyrirtækisins, sem um er fjallað í 147.A.105, stjórnar tæknilegum umsvifum fyrirtækisins, hefur eftirlit með þeim eða samhæfir þau, og tryggir þar með að fyrirtækið fari eftir þeim kröfum sem settar eru fram í Hluta-147.

4. grein

Reglugerð þessi öðlast gildi daginn eftir útgáfu hennar í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel,

Fyrir hönd Framkvæmdastjórnarinnar

Meðlimur Framkvæmdastjórnarinnar